

जकरियायागु सफू म्हसीका

अगमवक्ता हागैयागु हे इलय् परमेश्वरं जकरियायात अगमवक्ता जुइत ल्ययादिल। उगु इलय् इस्राएलया मनूतय्त इमिगु थःगु हे थासय् लित छवयेत बेबिलोनीतय्सं तसकं बःब्युगु खः। तर इपिं यहूदाय् तसकं थाकुक् जीवन हनाच्चंगु खः अले इपिं तसकं निराश जुयाच्चंगु खः। अथे जुयाः इमिसं थःपिनिगु नितिं परमेश्वरया योजनाय् विश्वास याये फयेमा धकाः इमित हपाः बीगु नितिं परमेश्वरं जकरियापाखें अगमवाणी न्ववानादिल।

जकरियाया सफुलिइ बांलाक सी दय्क निब्वः दु।

१. अध्याय १ निसैं ८ तक, अगमवक्ता जकरिया ई.पू. ५२० निसैं ५१८ या दथु थीथी इलय् याःगु अगमवाणीत। थुपिं अप्वः यानाः दर्शनया रूपय् दु, अले यरूशलेम हाकनं दय्कीगु, देगः हाकनं न्हूगु यानाः दय्कीगु, परमेश्वरया प्रजायात शुद्ध याइगु, अले वइगु युगय् मसिहं शासन यानादी।
२. १-१४ अध्यायलय् मेगु खँत मुनातःगु दु। संसारय् हाकनं मसीह वइतिनि धयागु खँया आशा व अन्तया दिया न्यायया बारे थ्व निगूगु भागय् च्वयातःगु दु।

धलः पौ

दर्शन व अगमवाणीत

१. पस्ताय् चायेगु इनाप १:१-६
 २. च्यागू दर्शनत १:७-६:१५
 ३. थीथी अगमवाणीत— ख्याच्चः व आशाया बुखँत ७:१-८:२३
- इस्राएल व मेमेगु देशत
१. इस्राएलया शत्रुतय्गु न्याय ९:१-८
 २. यहूदा थः शत्रुतय्त त्याकूगु ९:९-११:१७
 ३. यरूशलेम फुक्कसिगु आराधना यायेगु मू थाय् जुइ १२:१-१४:२१

जकरिया

पस्ताय् चायेगु इनाप

1 दारा जुजुं राज्य यानाच्चंगु निगगू दँयागु च्यागगू लाय्* परमप्रभुयागु थ्व वचन इद्रोया छय् बेरेक्याहया काय् जकरिया अगमवक्तायाथाय् वल।☆

2 “छिमि पुर्खातल्लिसे परमप्रभु तसकं तम्बयादीगु खः।

3 अथे जुयाः छं मनूतय्त धा— दक्व शक्ति दुम्ह परमप्रभुं थथे धयादी, ‘छिपि जिथाय् लिहां वा, अले जि छिमिथाय् लिहां वये’ दक्व शक्ति दुम्ह परमप्रभुं घोषणा यानादी।

4 छिपि थः पुर्खा थें जुइ मते। न्हापायापि अगमवक्तातय्सं इमित थथे धाःगु खः— दक्व शक्ति दुम्ह परमप्रभुं थथे धयादी, ‘छिपि थःपिनिगु मभिंनु बानी व मभिंनु ज्याखँ त्वःता जिथाय् वा।’ अयनं इमिसं जिगु खँ मन्यं, परमप्रभुं घोषणा यानादी।

5 छिमि पुर्खात आः गन वन? अले अगमवक्तात सदां म्वानाच्चंनि ला?

6 अयनं जिं थः दास अगमवक्तातय्पाखें छिमि पुर्खातय्त बियागु वचन व ख्याच्चः इमिके पूरा जुल।

“अले इमिसं पस्ताय् चायाः धाल, ‘दक्व शक्ति दुम्ह परमप्रभुं झीगु पहःचहः व ज्याकथं झील्लिसें छु यायेगु क्वःछिनादीगु खः व वय्कलं झीपिल्लिसे यानादिल।’ ”

न्हापांगु दर्शन - सलत

7 दारा जुजुं राज्य यानाच्चंगु निगगू दँया शेबात धाःगु झिंछगू लाया† निइप्यन्ह दुखुन्ह इद्रोया छय् बेरेक्याहया काय् जकरिया अगमवक्तायाथाय् परमप्रभुया वचन वल।

8 चान्हय् दर्शनय् जिं छम्ह मनूयात ह्याउँम्ह सल गयाच्चंगु खना। व यरूशलेमया छगू न्हसिकापय दुगु मेहदीया सिमातय् दथुइ दनाच्चन। वयागु ल्युने ह्याउँपिं, भुयुपि व तुयुपि सल दु।☆

9 जिं वयात न्यना, “प्रभु, थ्व सलया अर्थ छु खः?”

जिल्लिसें खँ ल्हाना च्वम्ह स्वर्गदूतं लिसेः बिल, “थुपिं छु खः धकाः जिं छन्त क्यने।”

10 “थ्व सलतय्त परमप्रभुं पृथ्वीया फुक्क थासय् वनाः छु छु जुयाच्चंगु दु स्वयेत छवयाहःगु खः” धकाः मेहदीया सिमातय् दथुइ दनाच्चम्ह मनुखं धाल।

11 इमिसं मेहदीया सिमातय् दथुइ दनाच्चम्ह परमप्रभुया स्वर्गदूतयात थथे धाल, “जिपिं पृथ्वीया फुक्क थासय् वना। फुक्कं आरामं याउँक च्वनाच्चंगु दु।”

* 1:1 १:१ अक्टोबर-नोभेम्बर ई.पु. ५२० लय् ☆ 1:1 १:१ एज्र ४:२४-५:१; ६:१४ † 1:7 १:७ १५ फ्रेवरी ई.पु. ५१९ लय् ☆ 1:8 १:८ प्रका ६:२-८

12 अले परमप्रभुया दूतं धाल, “हे दक्व शक्ति दुम्ह परमप्रभु, न्हयेदंनिसें छि यरूशलेम व यहदाया शहरतलिसे तंचायादीगु दु। ग्वःन्हु तक छिं इमित दया यानादी मखु?”

13 अले परमप्रभुं जिनापं खँ ल्हाना च्वंम्ह स्वर्गदूतयात दया व सान्त्वनायागु खँ धयादिल।

14 अले जिलिसें खँ ल्हाना च्वंम्ह स्वर्गदूतं जितः धाल, “छं थ्व खँ दक्वसित तसलं न्यंकि— दक्व शक्ति दुम्ह परमप्रभुं थथे धयादी, ‘यरूशलेम व सियोनयात जिगु तसकं माया दु,

15 अयनं जि सुरक्षित जुयाः याउँक च्वनाच्चपिं मेमेगु जातितलिसे तसकं तंम्बयागु दु। जि थः मनूतलिसें भचा जक तंम्बयागु खः। अयनं जिं सजॉय बीगु यानागु उपिं जातितयसं इमित बांमलाःगु व्यवहार यात।’

16 “उकिं जिगु दया क्यनेत जि यरूशलेमय् लिहां वयागु दु। जिगु देगः हाकनं दयकी, यरूशलेमय् नापय् यायेगु खिपः तंके याइ, अले शहरयात हाकनं दयकी” दक्व शक्ति दुम्ह परमप्रभुं धयादी।

17 “अज्ज नं न्यंकि— दक्व शक्ति दुम्ह परमप्रभुं धयादी, ‘जिगु शहरत हाकनं च्वन्हाइ, अले परमप्रभुं सियोनयात हाकनं शान्ति बियादी अले यरूशलेमयात हाकनं ल्ययादी।’ ”

निर्गु दर्शन - प्यपु नेकू व प्यम्ह कारिगर

18 जिं च्वय् थस्वयाबलय् प्यपु नेकूः खना।

19 जि लिसे खँ ल्हानाः स्वर्गदूतयात जिं न्यना, “थ्व नेकूया अर्थ छु खः?”

वं लिसे बिल, “थ्व नेकू यहदा, इस्राएल व यरूशलेमयात छ्यालब्याल यानाब्यूपिं जातित खः।”

20 अनंलि परमप्रभुं जितः प्यम्ह कारिगर क्यनादिल।

21 जिं न्यना, “थुपिं छु यायेत वयाच्चंगु खः?”

वय्कलं लिसे बियादिल, “नेकूतयसं ला छम्ह हे मनुखं छयं धस्वाके मफय्क यहदाया मनूतयत छ्यालब्याल यात। थुपिं कारिगरत धाःसा इमित ख्यायेत व यहदा देशया विरोधय् वयाः मनूतयत छ्यालब्याल याःगु जातितय् नेकूतयत वांछवयेत वःगु खः।”

‡ 1:18 १:१८नेकू उगु इलय् नेकू धयागु शक्ति व बल दुगुया किपा खः। अथे जुयाः दर्शनय्, उत्तर, दच्छिन, पुर्व व पच्छिमया इस्राएलया प्यखेरं च्वंगु देशय् प्यंगू नेकूत तःधंगु शक्ति दुगुया किपा खः।

2

स्वंगूगू दर्शन - दाना स्वयेगु खिपः

1 हाकनं जिं थस्वया, अले जिं ल्हातय् दाना स्वयेगु खिपः छपु ज्वनातःम्ह छम्ह मनू खना।

2 अले जिं न्यना, “छि गन झायादी त्यनागु?”

वं जितः लिसः बिल, “यस्शलेमया ब्या व हाकः गुलि दु धकाः दानास्वयेत वनेत्यनागु।”

3 अबलय् जिलिसें खँ ल्हाना च्वम्ह स्वर्गदूत वन, अले मेम्ह स्वर्गदूत वयात नापलायेत वल।

4 वं धाल, “ब्वाँय वनाः उम्ह ल्याय्म्हम्ह मनूयात धा, ‘मनूतयगु व पशुतयगु ल्याः यक्व अप्वः जूगुलि यस्शलेम पःखाः मदुगु शहर जुइ।

5 जि थः हे शहरया प्यखेरं मिया पःखाः जुइ। जि हे उकी दुनेया महिमा जुइ,’ ” धकाः परमप्रभुं धयादी।

ज्वनायंकूपिन्त सःतूगु

6 “वा, वा, उत्तरयागु देशं बिस्युं वा! छायाधाःसा जिं छिमित आकाशया प्यंगू फय् थें छ्यालब्याल यानाबियागु दु,” परमप्रभुं धयादी।

7 “वा, छिपिं बेबिलोन शहरय् च्वनीपिं सियोनया मनूत, अनं बिस्युं वा!”

8 छायाधाःसा दक्व शक्ति दुम्ह परमप्रभुं छिमित लुतय् याइपिं जातजातितय्थाय् महिमाया ज्याय् जितः छवयादिल। वय्कलं थथे धयादी, “सुनां जि मनूतय् त्थीवं जिगु मिखाया नानिचायात थी।

9 जिं धात्थें हे थःगु ल्हाः इमिगु विरोधय् ल्हने अले इमि दासतय्सं इमित हे लुतय् याइ।”

थुकि यानाः दक्व शक्ति दुम्ह परमप्रभुं हे जितः छवयाहयादीगु खः धकाः छिमिसं सी।

10 “अय् म्हाय् सियोन, तसलं म्ये हालः न्हाइपुकि! छायाधाःसा जि वयाच्चवनागु दु, अले जि छिमिगु दथुइ च्वने” धकाः परमप्रभुं धयादी।

11 “उखुन्हु यक्व जातित परमप्रभुलिसे मिलय् जुइ अले जिम्ह मनूत जुइ। जि छिमिगु हे दथुइ च्वने। थुकि यानाः छिमिसं दक्व शक्ति दुम्ह परमप्रभुं हे जितः छिमिथाय् छवयाहयादीगु खः धकाः सी।

12 परमप्रभुं पवित्र देशय् यहदायात थःगु हे भाग दय्कादी अले हाकनं यस्सलेमयात ल्ययादी।

13 हे सकल मनूत, परमप्रभुया न्ह्यःने सुम्क च्वै। छायाःसा वय्कः थः च्वनीगु पवित्र थासं पिहां झाःगु दु।”

3

दकलय् तःधंम्ह पुजाहारीया यचुगु वसः

1 अले स्वर्गदूतं जितः परमप्रभुया दूतया न्ह्यःने दनाच्चंम्ह दकलय् तःधंम्ह पुजाहारी यहोशूयात क्यनादिल। अन यहोशूया जवपाखे वयात दोष बीत शैतान* दनाच्चंगु दु।☆

2 परमप्रभुं शैतानयात धयादिल, “अय् शैतान, परमप्रभुं छन्त ब्वःबियादीमाः। यस्सलेमयात ल्ययादीम्ह परमप्रभुं छन्त ब्वःबियादीमाः। छु थ्व मनू मिं लिकाःगु सिं थें मखु ला?”☆

3 अबलय् स्वर्गदूतया न्ह्यःने यहोशू फोहरगु लं फिनाः दनाच्चंगु दु।

4 थःगु न्ह्यःने दनाच्चंपिन्त दूतं धाल, “वया फोहरगु वसः त्वःकि।”

अले वं यहोशूयात धाल, “स्व, जिं छंगु पाप चीकाछवयागु दु, अले जिं छन्त मू वंगु वसः फीकाबी।”

5 अले जिं धया, “थ्वया छेनय् छगू यचुगु बेतालि नं पुइकि।” परमप्रभुया स्वर्गदूतं स्वयाच्चंबलय् इमिसं वया छेनय् छगू यचुगु बेतालि पुइकाबिल अले वयागु म्हय् दकलय् तःधंम्ह पुजाहारीया वसः फीकाबिल।☆

6 अले परमप्रभुया स्वर्गदूतं यहोशूयात थ्व आज्ञा बिल,

7 “दक्व शक्ति दुम्ह परमप्रभुं थथे धयादी, ‘छ जिगु लैपुइ वंसा अले छं जिगु खँ न्यंसा छ जिगु छँ जिम्मा काइम्ह व जिगु चुकत बिचाःसंचाः याइम्ह जुइ। अले थन दना च्वनीपिनिगु दथुइ जिं छन्त छगूथाय् बी।’

8 “ ‘हे यहोशू, दकलय् तःधंम्ह पुजाहारी व छंगु न्ह्यःने च्वनीपिं मेपिं पुजाहारी, गुपि वइतिनिगु खँया चिं खः, सकसिनं थ्व खँ न्यँ— जिं जिमि दास, कचायात† हये।

* 3:1 ३:१ शैतान हिब्रू भाषां शैतान नांया अर्थ “दोष बीगु” खः। ☆ 3:1 ३:१ एज्र ५:२; अयू १-२; प्रका १२:१० ☆ 3:2 ३:२ यह ९ ☆ 3:5 ३:५ प्रस २९:६ † 3:8 ३:८ कचा कचाया बारे थ्व छगू मसीहया मेगु नां खः धकाः गुलिखय् मनूतय्सं विश्वास याइ। स्वयादिसँ, यशै ४:२; यर २३:५; ३३:१५; जक ६:१२

9 यहोशूया न्ह्यःने जिं तयागु ल्वहंयात स्व। उकी न्हयगः मिखा दु। आः ला जिं उकी आखः कियाबी।’ दक्व शक्ति दुम्ह परमप्रभुं धयादी, ‘अले छन्हं हे थ्व देशयागु पाप चीकाबी।’ ”

10 “ ‘उखुन्ह हे छिपिं सकसिनं थः जलाःखलाःयात थः दाखमा व यःमरिमाया क्वय् च्वनेत सःती,’ दक्व शक्ति दुम्ह परमप्रभुं धयादी।”☆

4

न्यागुगु दर्शन - लुँयागु त्वाःदेवा व निमा जैतूनया सिमा

1 जिलिसें खँ ल्हाःम्ह स्वर्गदूतं हाकनं जितः घनाच्चम्ह मनूयात थें थन।

2 वं जितः न्यन, “छं छु खना?”

जिं लिसः बिया, “जिं छगू सेल्लाःगु लुँयागु त्वाःदेवा खना। उकिया च्वकाय् चिकं तइगु छगू तग्वःगु ख्वला दु। व ख्वलाया क्वय् चाकःछिं न्हयगः पाल्चात दु। पाल्चातय् च्वय् मतया निंति न्हयपु चिकं वइगु नली तयातःगु दु।

3 उकिया लिक्क जैतूनया निमा सिमा, छमा सिमा जवपाखे, मेगु सिमा खवपाखे दु।”☆

4 अले जिलिसें खँ ल्हाःम्ह स्वर्गदूतयात जिं न्यना, “हे जिमि प्रभु, थुपि छु खः?”

5 वं लिसः बिल, “थुपि छु खः धयागु खँ छं मस्यू ला?”

जिं धया, “मस्यू जिमि प्रभु।”

यस्बाबेलयात हपाः बियादीगु

6 उकिं वं जितः धाल, “थ्व यस्बाबेलया निंति परमप्रभुया वचन खः, ‘शक्तिं मखु, बलं न मखु, तर जिगु आत्मापाखें’ धकाः दक्व शक्ति दुम्ह परमप्रभुं धयादी।”☆

7 “हे तःधंगु पर्वत, छ छु खः? यस्बाबेलया न्ह्यःने छ मैदान जुइतिनि। वं देगःया च्वय् फुसय् तइगु ल्वहंयात लिक्कयाः उकिया थासय् तइ, अले मनूत थथे धकाः ततःसलं हाली, ‘परमेश्वरं आशिष बियादीमा! शुक्रियात परमेश्वरं आशिष बियादीमा!’ ”

8 हानं परमप्रभुं धयादिल,

9 “यस्बाबेलया ल्हातं थ्व देगःया जग तःगु दु, वं हे थःगु ल्हातं देगः दय्केगु ज्या सिधय्की।”

अले दक्व शक्ति दुम्ह परमप्रभुं हे जितः छन्थाय् छवयाहयादीगु खः धकाः छं सी।

10 परमप्रभुं धयादिल, “ज्या भचा भचा जक शुरू जूयात हेला याये मते। अयनं ज्या न्हाकेत यरूबाबेलया ल्हातय् दकःमिया खिपः दुगु खनाः इपि लयताइ।”

(उपि त्वाःदेवाया न्हयगः पाल्चा पृथ्वीया फुक्कभनं स्वया च्वनीगु परमप्रभुया मिखा खः।)☆

11 अले जिं स्वर्गदूतयात न्यना, “थ्व त्वाःदेवाया जव व खवपाखे दुगु थुपि निमा जैतूनया सिमा धाःसा छु खः?”☆

12 हाकनं जिं वयात न्यना, “लुँ रंगया जैतूनया चिकं वनीगु थुपि निपु लुँयागु पाइपया लिक्क दुगु निपु कचा छु खः?”

13 वं लिसः बिल, “थुपि छु खः धकाः छु छं मस्यू ला?”

जिं धया, “मस्यू जिमि प्रभु।”

14 अले वं जितः धाल, “थुपि निम्हं दक्व पृथ्वीया प्रभुया सेवा यायेगु निति अभिषेक जूपि खः।”

5

खुगुगु दर्शन - ब्वयाच्चंगु थूतुलातःगु भ्वं

1 हाकनं जिं थस्वयाबलय् छगू भ्वंया थु ब्वयाच्चंगु खना।

2 स्वर्गदूतं जितः न्यन, “छं छु खना?”

जिं लिसः बिया, “जिं छगू थूतुलातःगु भ्वं खना। उकियागु हाकः ९ मिटर व ब्या ४.५ मिटर ति दु।”

3 अले वं जितः धाल, “देशया दक्व थासय् लाये त्यंगु सराःया बारे उकी च्वयातःगु दु। उकिया छेपाखे फुक्क खुँतय् देशं पितिनाछवइ धकाः च्वयातःगु दु। अले मेखेपाखे मखुगु पाफइपिन्त नं पितिनाछवइ धकाः च्वयातःगु दु।

4 दक्व शक्ति दुम्ह परमप्रभुं धयादी, ‘जिं सराः छवयाहये, अले खुँयागु छँ व जिगु नामय् पाफयाः मखुगु खँ ल्हाइम्हयसिगु छँ व दुहां वनी अले दुने च्वनाः उकियात नाश यानाबी, सिँ व ल्वहंयात तक नं नाश यानाबी।’ ”

न्हयगुगु दर्शन - पिचाय् छम्ह मिसा

5 हाकनं जिलिसें खँ ल्हाःम्ह स्वर्गदूतं न्ह्यःने वयाः जितः धाल, “च्वय् स्व, छु वयाच्वंगु स्व।”

6 जिं न्यना, “व छु खः?”

वं लिसः बिल, “व छगू पिचा खः, थ्व देश फुक्कभनंया मनूतय्गु पापं जाः।”

7 अले जिं म्हःया पुसा चाःगु अले छम्ह मिसा पिचाय् च्वनाच्वंगु खना।

8 स्वर्गदूतं धाल, “थ्व हे दुष्टता खः।” याकनं वं मिसायात ध्वानाः पिचाय् दुने तल। अले पुसा तित।

9 अले जिं थस्वयाबलय् निम्ह मिसा जिपाखे ब्वया वयाच्वंगु खना। उमिगु पपुलिइ फय्दु। उमिके सल्यौत्याः झंगःयागु थें पपू दु। इमिसं व पिचा कयाः आकाश व पृथ्वीया दथुइ ब्वयका यंकल।

10 अले जिं जिलिसें खँ ल्हाःम्ह स्वर्गदूतयात न्यना, “थुमिसं थ्व पिचा गन यंकाच्वंगु?”

11 वं जितः धाल, “इपि बेबिलोनिया* देशय् उकियागु निंति छगः देगः दय्केत वनाच्वंगु दु। देगः दय्के धुंकाः पिचायात अन थःगु हे थासय् तयाबी।”

6

च्यागू दर्शन - प्यंगः रथ

1 हाकनं जि थस्वयाः थुबलय् जि कैय्यागु निगू पहाडया दथुं प्यंगः रथ वयाच्वंगु खना।

2 न्हापांगु रथ ह्याउँपि सलतय्सं, निगू रथ हाकुपिं सलतय्सं,✱

3 स्वंगू रथ तुयुपिं सलतय्सं व प्यंगू रथ तातेपाते जूपिं सलतय्सं साला च्वंगु दु, उपिं फुक्क बल्लाः।

4 अले जिं जि नाप खँ ल्हाःम्ह स्वर्गदूतयात न्यना, “हे प्रभु, थुपिं छु खः?”

5 स्वर्गदूतं जितः धाल, “थुपिं स्वर्गया प्यंगू आत्मा खः। थुपिं दक्व पृथ्वीयाम्ह परमप्रभुया न्ह्यःने दना च्वनीपि खः, अयनं आः पिहां वःगु दु।✱

6 हाकुपिं सलत दुगु रथ उत्तरयागु देशपाखे वनाच्वंगु दु, तुयुपिं सलत दुगु रथ पच्छिमपाखे, अले तातेपाते जूपिं सलत दुगु रथ दच्छिमपाखे वनाच्वंगु दु।”

* **5:11** ५:११ बेबिलोनिया थ्व पदय् हिब्रू भाषां बेबिलोनियायात इमिसं पुलांगु नां शिनार छ्यलेगु यात। स्वयादिसें, उत १०:१०; ११:१-९ ✱ **6:2** ६:२-३ प्रका ६:२-८ ✱ **6:5** ६:५ प्रका ७:१

7 थुपि दक्व बल्लाःपि सलत पिहां वयाः पृथ्वीइ चाःहिलेत हथाय् चायाच्चंगु दु। अले वं धाल, “पृथ्वीया फुक्क थासय् हूँ।” उकिं इपि पृथ्वीया फुक्क थासय् वन।

8 अले वं जितः तसकं हाला धाल, “स्व, उत्तरयागु देशपाखे वनाच्चंपिन्सं जिगु आत्मायात शान्त यानाब्यूगु दु।”

यहोशूयात श्रीपेच

9 परमप्रभुया थ्व वचन जिथाय् वल,

10 “बेबिलोनं लिहांवःपिं हेल्लै, तोबियाह व यदायाहपिन्के बेबिलोनं ज्वनाः वःगु भेटी नाला कयाः उखुन्हु हे सपन्याहया काय् योशियाहया छैय् हूँ।

11 इमिसं ब्यूगु लुँ व वहलं छगू श्रीपेच दय्कि अले यहोसादाकया काय् दकले तःधंम्ह पुजाहारी यहोशूया छैनय् श्रीपेच पुइकाब्यु।

12 दक्व शक्ति दुम्ह परमप्रभुं वयात थ्व धयादिल, ‘स्व, कचा धाःम्ह थ्व मनू थःगु थासय् हे च्वन्हाया वइ अले वं परमप्रभुयागु देगः दय्की।✱

13 वं हे परमप्रभुया देगः दय्केगु ज्या सिधय्की अले वयात जुजुयात दइगु मान दइ, वं थः मनूतयत गद्दी जुजुं थें शासन याइ। वं गद्दी पुजाहारी जुयाः सेवा याइ। अले थुपि नितो मितय् जुयाः ज्या याइ।’

14 हेल्लै, तोबियाह, यदायाह व सपन्याहया काय् हेनयात* लुमन्तिया निंति व श्रीपेच परमप्रभुया देगलय् तइ।

15 तापाक तापाक च्वपिं मनूत वयाः परमप्रभुयागु देगः दय्केगु ज्याय् ग्वाहालि बी। देगः दय्के धुंकाः दक्व शक्ति दुम्ह परमप्रभुं जितः छिमिथाय् छवयाहयादीगु खः धकाः छिमिसं थुइ। छिमिसं परमप्रभुं धयादी थें बांलाक मानय् यात धाःसा थ्व जुइ।”

7

अपसं मखु, न्याय व दया

1 दारा जुजुं राज्य यानाच्चंगु प्यंगूगु दँया किसलेव धाःगु गुंगूगु लाया प्यन्हु खुन्हु* परमप्रभुयागु वचन जकरियाथाय् वल।

2 बेथेलयापिं मनूतय्सं शरेसेर व रेगेम-मेलकपिन्त परमप्रभुयात बिन्ति यायेत

✱ 6:12 ६:१२ यर २३:५; ३३:१५; जक ३:८
सपन्याहया काय्या मेगु नां खः।

* 6:14 ६:१४ हेन थ्व सपन्याहया काय् खः, थ्व योशियाह

* 7:1 ७:१ ७ डिसेम्बर ५१८ ई.पु.

3 व दक्व शक्ति दुम्ह परमप्रभुया देगःयापि पुजाहारीत व अगमवक्तातय्के थ्व खँ न्यनेत छ्वल, “झीसं आः तक न्हापांनिसें दँयदसं यानाः थें न्यागू लाय् अपसं च्वनाः शोक यायेमाः ला?”

4 अले दक्व शक्ति दुम्ह परमप्रभुयागु वचन जिथाय् वल,

5 “देशय् च्वपि मनूत व पुजाहारीतय् न्यँ, ‘वंगु न्हयेदँय† छिमिसं न्यागू व न्हयगू लाय् अपसं च्वनाः शोक याःबलय् छु छिमिसं धातथें हे जिगु हे निंति अपसं च्वनागु खः ला?”

6 छिमिसं नखःचखःया भवय नइबलय् छु थःगु हे निंति त्वनीगु व नइगु मखु ला?

7 परमप्रभुं न्हापा थ्व हे खँ न्हापायापि अगमवक्तातपाखें धयादीगु खः? उबलय् यरूशलेम च्वन्हाणाः उकी ग्वाः ग्वाः मनूत दुगु जुल। यक्व मनूत उकिया जःखः च्वंगु चिचीधंगु शहरय् जक मखु अयनं दच्छिन लाःगु नेगेव व पच्छिमय् क्वय् लाःगु इलाकाय् नं च्वंगु जुल।”

8 हाकनं परमप्रभुयागु वचन जकरियाथाय् वल,

9 “दक्व शक्ति दुम्ह परमप्रभुं थथे धयादी, ‘खःगु न्याय या, थवंथवय् दयामाया व माया क्यँ।

10 भाःत सी धुंकूपि मिस्त व मांबौ मदुपि मस्त, परदेशी वा मगाःमचाःपिन्त क्वत्यले मते। छम्हयसिनं मेम्हयसित स्यंकेगु योजना दय्के मते।’

11 “ ‘अयनं जिराहा जुयाः जि मनूतय्सं जिगु खँ मन्यं। इमिसं थःगु न्हयपं तित।

12 दक्व शक्ति दुम्ह परमप्रभुं थःगु आत्मां न्हापा न्हापायापि अगमवक्तापाखें बियादीगु व्यवस्था व वचन न्यनेमाली धकाः इमिसं थःगु नुगःयात ल्वहं थें छायाकल। उकिं दक्व शक्ति दुम्ह परमप्रभु तसकं तम्बयादिल।

13 “ ‘गथे जिं सःताबलय् इमिसं मन्यन अथे हे इमिसं सःतिबलय् जिं इमिगु बिन्ति न्यने मखु,’ दक्व शक्ति दुम्ह परमप्रभुं धयादी।

14 ‘म्हमस्यूपि जातितयगु दथुइ ग्वःफसं थें जिं इमित छ्यालब्याल याना। थुकथं इमिगु देश झिजामिजां दंगुथाय् जुल। अन सुं नं मनू वये वने मया। इमिसं जिगु खँ मन्यंगुलि व न्ह्यइपुगु देश झिजामिजां दंगुथाय् जुल।’ ”

† 7:5 ७:५ वंगु न्हयेदँय ई.पु. ५८६ लय् वंगु न्हयेदँय सुं मनूतय्सं बेबिलोनयां शासन यानाच्चंबलय् यद्दाया गभर्नर जुयाच्चम्ह गेडाल्याहयात स्यात, अले सुं मनूतय्सं वयात बांलाःम्ह मनूकथं लुमका विलाप याना ख्वल। स्वयादिर्से, २ राज २५:२२-२५; यर ४१:१-३

8

यस्शलेमयात सुवा: बियादीगु बचं

1 हाकनं दक्व शक्ति दुम्ह परमप्रभुयागु थ्व वचन जिथाय् वल।

2 दक्व शक्ति दुम्ह परमप्रभुं थथे धयादी, “सियोनयात जिगु क्वातूगु व दुग्यंगु माया दु। जि यस्शलेमया निति जोशं जा:गु दु!”

3 परमप्रभुं थथे धयादी, “जि सियोनय् लिहां वये अले यस्शलेमय् बाय् च्वने। अबलय् यस्शलेमयात ‘विश्वास याये बह:गु शहर’ धका: धाइ, अले दक्व शक्ति दुम्ह परमप्रभुया पहाडयात धा:सा ‘पवित्र पर्वत’ धाइ।”

4 दक्व शक्ति दुम्ह परमप्रभुं थथे धयादी, “यस्शलेमया चुक चुकय् हाकनं बुरा व बुरीपिं यक्व उमेर दुगुलि थथ:गु ल्हातय् कथि ज्वना: च्वनी।

5 शहरया चुक चुकय् म्हितीपिं मस्तयसं जाइ।”

6 दक्व शक्ति दुम्ह परमप्रभुं थथे धयादी, “अबलय् थुपिं ल्यंदुपिन्त थ्व खँ अजूचाइपुस्से च्वने फु, अयनं छु व जिगु मिखाय् अजूचाइपुस्से च्वनी ला?”
दक्व शक्ति दुम्ह परमप्रभुं थथे धयादी।

7 दक्व शक्ति दुम्ह परमप्रभुं थथे धयादी, “जिं थ: मनूतय्त पुर्बयागु देश व पच्छिमयागु देशं बचय् याये।

8 जिं इमित यस्शलेमय् च्वनेत ब्वनाहये। इपिं जि मनूत जुइ। अले जि इमिपाखे विश्वास याये बह:म्ह व धर्मी जुया: इमि परमेश्वर जुये।”

9 दक्व शक्ति दुम्ह परमप्रभुं थथे धयादी, “देग: हाकनं न्हगु याना: दय्केगु बारे परमप्रभु परमेश्वरया देग:या जग तयाच्वंगु इलय् न्हापायापिं अगमवत्तातय्सं छिमित ‘छिमिगु ल्हा: बल्लायेमा!’ धका: धा:गु खँ हे छिमिसं आ: हाकनं न्यनाच्वंगु दु।

10 व ई स्वया: न्हापा सुनानं ज्याला बिया: मनू वा पशुयात तये मफु। शत्रुया कारणं सुं मनू सुरक्षित थ:गु ज्याय् वये वनेमफु। छाया:सा जिं सकल मनूतय्त थ:थ: ज:लाख:लाया विरोधय् थनागु ख:।

11 अयनं आ: थ्व ल्यंदुपिं मनूतय्त न्हापा यानागु थें याये मखु” दक्व शक्ति दुम्ह परमप्रभुं धयादी।

12 “पुसा बांलाक बुया वइ, दाखमां फल बी, बुं थ:गु अन्न सय्की, अले गाक्क वा वइ। जिं ल्यंदुपिं मनूतय्त थुपिं फुक्क सर्बय कथं बी।

13 हे यहदा व इस्राएल्यापिं मनूत, परदेशीतयसं सुयातं सरा: बीबलय् थौं तक नं छिमिगु नां छयलाच्चंगु दु। अयनं जिं छिमित बचय् याये, अले छिपिं भिंगु सुवा: जुइ।”☆

14 दक्व शक्ति दुम्ह परमप्रभुं धयादी, “गथे छिमि पुर्खातयसं जित: तंचायकूबलय् जिं इमिथाय् विपत्ति हयेगु क्व:छिना अले भतिचा नं माया मक्यना।”

15 “तर आ: हाकनं यरूशलेम व यहदायापिं मनूतयत् भिं यायेगु क्व:छिनागु दु। उकिं ग्याये मते।

16 छिमिसं यायेमा:गु थ्व हे ज्या ख: — छम्हयसिनं मेम्हलिसे ख:गु खँ ल्हा, अले छिमिगु अदालतय ख:गु व पायछिगु न्याय या।

17 छम्हयसिनं मेम्हयसित स्यंकेगु योजना दय्के मते। पाफ्या: मखुगु साक्षी बी मते। थुपिं फुक्क खँयात जिं घृणा याये,”☆

परमप्रभुं धयादी।

18 हाकनं जिथाय् दक्व शक्ति दुम्ह परमप्रभुयागु वचन वल,

19 दक्व शक्ति दुम्ह परमप्रभुं थथे धयादी, “प्यंगूगु, न्यागूगु, न्हयगूगु व झिगूगु लायागु अपसं व दुखं च्वेनेमा:गु दिं आवलि लसताया नख: जुइ। उकिं छिमिसं सत्य व शान्तियात यय्की।”*

20 दक्व शक्ति दुम्ह परमप्रभुं थथे धयादी, “यक्व मनूत व यक्व शहरयापिं मनूत यरूशलेमय् वइगु ई वइतिनि।

21 अले छगू शहरयापिं मनूत मेगु शहरय् वना: थथे धाइ, “जिमित आशिष बियादिसँ धका: परमप्रभुयात बिन्ति यायेत याकनं हँ, दक्व शक्ति दुम्ह परमप्रभुयात मालेनु। जि थ: नं वने।’

22 यक्व मनूत व बल्ला:गु जातित यरूशलेमय् दक्व शक्ति दुम्ह परमप्रभुयात मालेत व बिन्ति यायेत वइ।”

23 दक्व शक्ति दुम्ह परमप्रभुं थथे धयादी, “उबलय् मेमेगु जातियापिं व मेमेगु भाय् ल्हाइपिं झिम्ह मनु छम्ह यहदी मिजंयाथाय् वया: लंकू ज्वना: थथे धाइ, ‘जिपिं नं छिलिसे वने, छाय्धा:सा छिलिसे परमेश्वर दु धका: जिमिसं न्यनागु दु।’ ”

☆ 8:13 ८:१३ उत १२:२

☆ 8:17 ८:१६-१७ एफि ४:२५

* 8:19 ८:१९ प्यंगूगु, न्यागूगु, न्हयगूगु

लायागु थुपिं फुक्क विशेष दिखन्हु यहदाया मनूतयसं यरूशलेमय् जूगु बांमला:गु घटनाया निंति ख्वाया विलाप या:गु दु धयागु क्यनेत इपिं अपसं च्वन।

9

इस्त्राएलया शत्रुतयगु न्याय

- 1 छगू अगमवाणी,
हद्राक देशया विरोधय् परमप्रभुयागु वचन
अले थ्व दमस्कसय् नं लाइ,
छाय्धाःसा फुक्क मनूतय् व
इस्त्राएलया कुलया मिखा परमप्रभुपाखे दु☆—
- 2 अले सिमानाय् दुगु हमातय् नं लाइ,
अले दुरोस व सीदोनय् नं लाइ, इपिं ला यक्व बुद्धि दुपि खः।☆
- 3 दुरोसं थःगु नितिं छगू किल्ला दय्कूगु दु,
वं वहः धू थें व लुँ गल्लीया ध्याचः ना थें मुंकूगु दु।
- 4 अयनं वयाके दुगु फुक्क धन-सम्पत्ति परमप्रभुं लाकाकयादी।
अले इमिगु शक्तियात समुद्रय् नाश यानादी।
अले इपिं मिं भस्म जुइ।
- 5 व खनाः अश्कलोनयापि ग्याइ।
अले गाजा ग्यानाः थुरथुर खाइ।
अले एक्रोन नं ग्याइ अले वयागु आशा कम जुयावनी,
गाजां जुजु नाश जुइ,
अले अश्कलोनय् हाकनं सुं च्वनी मखु।☆
- 6 अश्दोद शहरयात विदेशीतय्सं अधिकार याइ
अले पलिशतीतयगु तःधंछुयात जिं नाश यानाबी।
- 7 जिं इमिगु म्हुतुं लानापं हि लिक्काबी
व वाया दथुं घच्चाइपुस्से च्वंगु चिज लिक्काबी।
अनंलि ल्यंदुपिं पलिशतीत परमेश्वरया मनूत जुइ,
अले यहूदाय् छगू कुल थें जुइ।
एक्रोनय् च्वंपिं यब्सीत* थें जुइ।

☆ 9:1 १९:१ यशै १७:१-३; यर ४९:२३-२७; आमो १:३-५

☆ 9:2 १:२-४ यशै २३:१-१८; इज २६:१-२८:२६;

योए ३:४-८; आमो १:९-१०; मती ११:२१-२२; लूक १०:१३-१४

☆ 9:5 १:५-७ यशै १४:२९-३१; यर ४७:१-७;

इज २५:१५-१७; योए ३:४-८; आमो १:६-८; सप २:४-७

* 9:7 १:७ यब्सीत यब्सया मनूत जुजु दाऊदं

शहर त्याके न्ह्यः इपिं यरूशलेमय् च्वनाच्वंपिं खः। अले बचय्जूपिं यब्सीत परमप्रभुया मनूतयगु ब्वः जूगु खः।
स्वयादिसें, २ इति ८:७-८

8 आवलि जिं थःगु देगःयात
 हमला याइपिं सिपाइँतपाखें रक्षा याये।
 हाकनं सुं क्वत्यलेम्हयसिनं गुबलें नं जि मनूतयूत हमला याइ मखु।
 छायाधाःसा आः जिं थःम्हं हे इमिगु बिचाः यानाच्चनागु दु।

सियोनया जुजु झायादीगु

9 हे म्हाय् सियोन, लयताया च्वौं!
 हे म्हाय् यरूशलेम तसलं हा!
 स्व, छिमि जुजु छिमिथाय् झायादीगु दु।
 वय्कः धर्मींम्ह व मुक्ति बियादीम्ह खः।
 वय्कः क्वमिलुम्ह खः, वय्कः गधा गया,
 गधाया मचा गयाः झायादीगु दु।☆

10 परमप्रभुं धयादी,
 एफ्राइमं जिं लडाइँया रथ चीकाबी,
 अले यरूशलेमं लडाइँया सलत यंके,
 लडाइँया धनुष त्वाःथला बी।
 वय्कलं जाति जातितयूत शान्तियागु खँ न्यंकादी।
 वय्कःया राज्य समुद्रनिसें समुद्र तक
 अले यूफ्रेटिस खुसिनिसें पृथ्वीया सिथ तक न्यनावनी।☆

11 छिपिलिसे चिनागु हिया जिगु बाचाया कारणं
 जिं छिमि कैदीतयूत लः मदुगु गालं मुक्त यानाबी।☆

12 हे आशा यानाच्चपिं कैदीत, थःगु किल्लापाखे लिहां हूँ।
 आः जिं छिमित धाये, “छिमित जूगु सास्तीया पलेसा
 जिं छिमित उकिया निदुगं सुवाः बी।”

13 जिं थः हे ग्रीकयापिं सिपाइँतलिसे ल्वाये।
 यहूदायापिं मनूत जिगु धनुष खः,
 एफ्राइमयापिं मनूत जिगु वाण खः।
 अले जिं थः शत्रुतय् विरोधय् चले यायेत
 यरूशलेमयापिं मनूत जिगु तरवार खः।☆

☆ 9:9 ९:९ मती २१:५; यूह १२:१५

☆ 9:10 ९:१० भज ७२:८

☆ 9:11 ९:११ प्रस २४:८

☆ 9:13 ९:१३ यशै ६६:१९; इज २७:१३; दान ८:२१

परमप्रभु खनेदः वइ

14 परमप्रभु शत्रुतय्थाय् खनेदः वइ

अले वय्कःया वाण हाबलासा थें थी।

दक्व शक्ति दुम्ह परमप्रभुं तुरही पुयादी,

अले दच्छिनयागु ग्वःफसय् जुयाः वय्कः झायादी।

15 दक्व शक्ति दुम्ह परमप्रभुं थः मनूतय्त रक्षा यानादी।

इमिसं थः शत्रुतय्त नाश यानाबी,

इमिसं शत्रुतय्त ल्वहँतं कय्काः बुकी।

अले इपि दाखमघ त्वंपिं थें लडाईलय् ततःसलं हाली।

इपि वेदीया कुन्चाय् कुन्चाय् हि छावाकीगु

तःग्वःगु ख्वला थें हिं जाःगु जुइ।

16 उखुन्हु परमप्रभु इमि परमेश्वरं थः मनूतय्त फैजवाःतय्सं

फैच्वलय्या बथांयात बचय् याःथें बचय् यानादी,

श्रीपेचया मणि थें

इपि वय्कःया देशय् थी।

17 इपि गुलि यइपुस्से च्वनी अले गुलि बांलाइ।

देशयागु अन्न नयाः दाखया ति त्वनाः

ल्याय्म्ह ल्यासेत बल्लानावइ।

10

परमप्रभुं थः मनूतय्त वास्ता यानादी

1 बसन्त ऋतुया इलय् परमप्रभुयाके वा वय्का ब्यू धकाः फ्वँ।

छाय्धाःसा वा वय्कीगु सुपॉय् दय्कादीम्ह परमप्रभु हे खः।

वय्कलं मनूतयगु निंति वा वय्कादी।

अले फुक्कसिगु क्यबय् बुँ हइ।

2 मूर्तिंतय्सं ध्वंलाइगु खँ ल्हाइ,

तन्त्रमन्त्र याइपिन्सं मखुगु दर्शन खनी।

म्हगसया अर्थ कनीपिन्सं सान्त्वना मबीगु मखुगु खँ ल्हाइ।

उकिं जिमि मनूत तंपि

फैत थें उखेलाः थुखेलाः मदइ।

जवाः मदयाः इमिसं दुःख सी।☆

3 “जिगु तं फैजवाःतयके लाइ।

जिं नायःतयत् सजाँय बी।

दक्व शक्ति दुम्ह परमप्रभुं थःगु बथां,

यहदाया घरानायात स्वयादी।

अले वय्कलं इमित लडाँल्य् छम्ह घमण्डी सल थें यानादी।

4 यहदापाखें मू ल्वहं,

वपाखें हे पालया नकिं,

अले वपाखें हे लडाँया धनुष,

वपाखें हे फुक्क शासकत पिहां वइ।

5 इपि लडाँल्य् थः शत्रुतयत् लाँया धुल्य्

न्हतु न्हइपिं बल्लाःपिं सिपाईत थें जुइ।

परमप्रभु इपि लिसे दीगुलि इमिसं सल गयाः

वइपिं सिपाईतयत् नं बुकी।

6 “जिं यहदाया घरानायात बल्लाकाबी

अले योसेफया घरानायात बचय् याये।

जिं इमित हाकनं लित ब्वनाहय।

छाय्धाःसा जितः इपिं प्रति दया दु।

जिं इमित गुबलें नं मत्वःतागु थें च्वंक

इपिं न्हापा गथे खः अथे हे यानाबी।

छाय्धाःसा जि इमि परमप्रभु परमेश्वर खः,

अले जिं इमिगु प्रार्थनाया लिसः बी।

7 एफ्राइमयापि मनूत वीर सिपाईत थें जुइ,

दाखमघ त्वनाः लय्ताःगु थें इमिगु मन जुइ।

इमि मस्त थ्व खनाः लय्ताइ।

परमप्रभुयाके इमिगु नुगः लय्ताइ।

8 जिं इमित सुलि पुयाः सःते,

☆ 10:2 १०:२ गन्ती २७:१७; १ राज २२:१७; २ इति १८:१६; इज ३४:५-६; मत्ती ९:३६; मर्क ६:३४

- अले इमित छथाय् मुंके।
 जिं इमित लिफ्याना:
 न्हापा गुलि दुगु खः उलि हे दय्काबी।
 9 जिं इमित थीथी मनूतयथाय् छ्यालब्याल याना: ब्यूसां,
 इमिसं जितः लुमंका हे च्वनी।
 इपिं व इमि मस्त बचय् जुइ।
 अले इपिं लिहां वइ।
 10 जिं इमित मिश्र देशं लित हये,
 अले इमित अश्शूरं मुंका: हये।
 जिं इमित गिलाद व लेबनान देशय् हये,
 अले अन इमिगु निति गाक्क थाय् दइ मखु।
 11 इपिं दुःखकष्टया समुद्र छिनावनी।
 समुद्रया किसिद्रम्बः तनावनी।
 नील खुसिया लः फुक्क सुनावनी।
 अले अश्शूरया घमण्ड चूर जुइ,
 मिश्रया शासन फुनावनी।
 12 जिं थःम्हं हे थः मनूतयत बल्लाके,
 अले इपिं जिगु नामं जिगु लैपुइ जुइ।”☆

जि परमप्रभुं थ्व खँ धयाच्चना।

11

- 1 हे लेबनान, खापा चाय्कि,
 गुकि याना: मिं छंगु देवदास्या सिमायात भस्म यायेमा।
 2 हे थाकुरा:मा ख्व! छाया:सा देवदास्या सिमात क्वःदःगु दु।
 ततःमागु व बांबाला:गु सिमात नाश जूगु दु।
 हे बाशानयागु स्वसिमा ख्व!
 ख्वातुगु गुँया सिमात पालाब्यूगु दु।
 3 फैजवा:तयगु ख्वःसः न्यँ
 छाया:सा इमिगु फै ज्वयेगु ख्यः नाश जूगु दु।
 सिंहत गर्जय् जूगु सः न्यँ,

छाय्धाःसा यर्दन खुसिया जःखः च्वंगु झाः नाश जूगु दु।

निम्ह फैजवाःत*

4 परमप्रभु जिमि परमेश्वरं थथे धयादीगु दु, “स्यायेत चिं तःपिं फैच्वलय्तय्त ज्व।

5 न्यानायंकीपिन्सं फैयात स्याइ, अयनं इमित सजॉय जुइ मखु। इमित म्यूपिन्सं थथे धाइ, ‘परमप्रभुयात तःधंकि, जिपिं तःमि जुल।’ फैजवाःतय्सं थः बथांयात दया मया।

6 आवंलि जिं देशय् च्वंपिं सुयातं हे दया याये मखुत,” परमप्रभुं धयादी। “जिं मन्तय्त छम्हयसित मेम्हयसिगु विरोधी यानाबी। अले इमित इमि शासकतय्गु ल्हातिइ तयाबी। इमिसं देशयात क्वत्यली। अयनं जिं थ्वयात इमिगु ल्हाति बचय् याये मखु।”

7 उकिं जिं स्यायेत चिं तयातःपिं फैतय्गु पुचलं सुसाःकुसाः मगाःपिं फैतय्त ज्वया। अले निपु कथि कयाः जिं बथांयात ज्वयाः छपु कथियागु नां “दया” तया, अले जिं बथांयात ज्वयाः मेगु कथियागु नां “छप्पें” तया।

8 जिं लच्छिया दुने स्वम्ह फैजवाःतय्त पितिनाछवया।

अले उगु फैबथानं जितः मयय्कल। जितः इपिं खनाः वाक्क वल।

9 “आवंलि जि छिमि फैजवाः जुइ मखुत। छिपिं सीसां थजु, स्यासां थजु। ल्यंदनिपिन्त नं थवंथवय् स्यानाः ला नयेमा।”

10 अले जिं “दया” नांयागु कथि कयाः फुक्क जातियापिलिसे चिनागु बाचा त्वाःथला धकाः क्यनेत निकू थलाबिया।

11 थुकथं उखुन्हू हे बाचा क्वःदल। सुसाःकुसाः मगाःपिं फैतय्गु बथानं जिगु ज्याखें स्वयाच्चन। इमिसं स्यु, जिगु ज्याखेंपाखें परमप्रभुं नवानाच्वंगु दु।

12 जिं इमित धया, “छिमित बांलाः सा जितः ज्याला ब्यु, मखुसा म्वाः।” अले इमिसं जितः ज्याला कथं स्वीक् वहः बिल।☆

13 अले परमप्रभुं जितः धयादिल, “थ्व धिबा कुमाःयात ब्यु” थ्व जिगु ज्यायात इमिसं क्वःछ्यूगु तःधंगू मू खः। उकिं व स्वीक् वहः यंकाः जिं परमप्रभुया देगलय् च्वंगु धुकुतिइ तयाबिया।☆

* 11:3 ११:४ फैजवाः थ्व अध्यायलय् फैजवाः खँवः मन्तय्गु निति किपा, उखान कथं छयःगु खः अले फैजवाः खँवः इमि नायःया निति किपा, उखान कथं छयःगु खः ☆ 11:12 ११:१२ प्रस २१:३२; मत्ती २६:१५

☆ 11:13 ११:१३ मत्ती २७:९-१०

14 अले जिं “छप्पै” नांयागु कथि कया: यहदा व इस्राएलया स्वापु त्व:धुल धका: क्यनेत, निकु थलाबिया।

15 अले परमप्रभुं जित: धयादिल, “हाकनं छं छक: ग्वाज्य:म्ह फैजवा:यागु ज्याभ: का।

16 जिं थ:गु बथां स्वयेत मेम्ह छम्ह फैजवा: तये। वं तंपि फैतयुत वास्ता याइ मखु, थुखेला: उखेला: जूपिन्त मुंकी नं मखु, घा:पा जूपिन्त लंकी नं मखु, छुं मजूपिन्त ज्वइ नं मखु। वं बांबाला:पि फैतयुगु ला नइ अले इमिगु ख्व:यात साला: लिकाइ।”

17 बथां त्व:तावंपि ज्यालगय् मजूपि

जवा:तयुत धिक्कार!

वयागु ल्हा: व जव मिखाय् तरवार लाइ।

वयागु ल्हा: गनावनी

अले वयागु जव मिखा कां जुइ।

12

यस्शलेमया शनूतयगु नाश

1 छगू अगमवाणी— इस्राएलया बारे परमप्रभुया वचन थ्व हे ख:। आकाशयात कंकंकादीम्ह, पृथ्वीया जग तयादीम्ह अले मनूया आकार दयकादीम्ह परमप्रभुं थथे धयादीगु दु,

2 “जिं यस्शलेमयात उकिया ज:ख: च्वंपि मनूतयगु निंतिं छगू धेधे चुइकाबीगु दाखमघया ख्वला थें दयकाबी। यहदा व यस्शलेम घेराय् लाइ।

3 उखुन्हु हे पृथ्वीया फुक्क जातित यस्शलेमलिसे ल्वायेत मुनी। सकल मनूतयुत ल्हनेत जिं यस्शलेमयात छग: ल्वहं दयकाबी। सुनां थुकियात ल्हनी वं थ:त घा:पा याइ।

4 परमप्रभुं थथे धयादी, उखुन्हु हे जिं छम्ह छम्ह सलयात भवय्भवय् कंकाबी।” सल गया व:म्हयसित वें यानाबी। अयनं जिं यहदाया मनूतयुत बिचा:संचा: याये, अयनं जिं मेगु जातियापिं दक्व सलतयगु मिखा कां यानाबी।

5 अबलय् यहदाया नाय:तयसं दक्व शक्ति दुम्ह परमप्रभु इमि परमेश्वर जूगुलि यस्शलेमयापिं मनूत बल्ला: धका: बिचा: याइ।

6 “उखुन्हु हे जिं यहदाया नाय:तयुत च्यानाच्चंगु सिँया दथुइ मक: वा थूतयगु दथुइ च्यानाच्चंगु मिप्वा: थें दयकाबी। इमिसं ज:ख: च्वंपि सकल मनूतयुत भस्म याइ। यस्शलेम धा:सा थ:गु हे थासय् दयाच्चनी।

7 “दाऊदया घरानायागु हनाबना व यरूशलेमयापि मनूतयगु हनाबना यहदायागु स्वयाः अप्वः मजुइमा धकाः परमप्रभुं न्हापा यहदायापिन्त बचय् यानादी।

8 उखुन्हु हे परमप्रभुं यरूशलेमय् च्वंपिन्त रक्षा यानादी अले इपि मध्ये तसकं बमलाःपि दाऊद थें जुइ। दाऊदया घराना धाःसा परमेश्वर थें इमिगु न्ह्यःने वनाच्चंम्ह परमप्रभुया दूत थें जुइ।

9 उखुन्हु हे यरूशलेमयात हमला याइपि फुक्क जातितयत् नाश यायेगु शुरु याये।

इमिसं सुयाब्यूम्हयसिगु नितिं शोक याःगु

10 “दाऊदया घराना व यरूशलेमयापि मनूतयत् दया व प्रार्थनाया आत्मां जायकाबी। इमिसं थःपिन्सं सुयाब्यूम्ह मनु, जितः स्वइ। अले मनूत याक काय्या नितिं शोक याःगु थें वयागु नितिं इपि दुखं च्वनी। दकलय् न्हापा बूम्ह काय्या नितिं थें दुखं च्वनी।*

11 उखुन्हु हे यरूशलेमय् मगिद्देया फाँट हदद-रिम्मोनय्* ख्वःगु थें हे मनूत ह्यँयह्यँय् ख्वइ।

12 देशया फुक्क कुल दुखं च्वनी। छगू छगू वंशयापि मनूत थथःगु पुचलय् च्वनाः दुखं च्वनी। दाऊदया घराना थःगु पुचलय् च्वनाः दुखं च्वनी। इमि कलाःपि थःगु पुचलय् च्वनाः दुखं च्वनी। नातानया† घरानायापि मिजंत थःगु पुचलय् दुखं च्वनी अले इमि कलाःपि थःगु पुचलय् दुखं च्वनी।

13 लेवीया घरानायापि मिजंत थःगु पुचलय् च्वनाः दुखं च्वनी, अले इमि कलाःपि थःगु पुचलय् च्वनाः दुखं च्वनी। शिमीया‡ वंश थःगु पुचलय् च्वनाः दुखं च्वनी अले इमि कलाःपि थःगु पुचलय् दुखं च्वनी।

14 अले थ्व हे खँ फुक्क परिवार पुचलय् जुइ। मिजंत अलग च्वनाः दुखं च्वनी अले मिस्त अलग च्वनाः दुखं च्वनी।”

13

पापपाखें शूद्र जुइगु

☆ 12:10 १२:१०-१४ मत्ती २४:२०; यहू ११:३७; प्रका १:७

* 12:11 १२:११हदद-रिम्मोन गुलिखय्

मनूतयसं थ्व मगिद्देया शहरया लिक्क लाःगु यिजेरलया तःधंगु ब्यासिया छगू गांया नां खः धकाः बिचाः याइगु खः। स्वयादिसँ, २ राज २३:२८-३०; २ इति ३५:२०-२७ † 12:12 १२:१२ नातान नातान दाऊदया कायपि

मध्ये छम्ह खः, व जुजु खलःयाम्ह खः, स्वयादिसँ, २ शमू ५:१४; १ इति ३:५; १४:४ ‡ 12:13 १२:१३ शिमी शिमी लेवीया छय् खः, व पुजाहारी खलःयाम्ह खः। स्वयादिसँ, नह ३:१७-१८; १ इति ६:१६-१७

1 “उखुन्हु दाऊदया घराना व यस्शलेमया मनूतयगु पाप व दोष चीकाछवयेत लःयागु छगू मुहान न्हाइ।

2 “उखुन्हु हे जिं देशं मूर्तितयगु नां तक हे ल्यं मदय्क हुयाछवये। अले इमिगु लुमन्ति तक हे दइ मखु। फताहा अगमवक्तातयत् व अशुद्ध आत्मायात नं जिं देशं पितिनाछवये धकाः दक्व शक्ति दुम्ह परमप्रभुं धयादी।

3 अले सुनां हाकनं अगमवाणी यात धाःसा वया मां बौपिन्सं वयात धाइ, ‘छं परमप्रभुया नामय् मखुगु खँ ल्हाना च्वंगुलि छ सि हे माः।’ वं अगमवाणी धाइबलय् वया मां-बौनं वयात पिचायेक सुयाः स्यानाबी।

4 “उखुन्हु हे छम्ह छम्ह अगमवक्ता थःगु अगमवाणीया दर्शनं लज्या चाइ। अले ध्वंलाइम्ह अगमवक्तां फीगु सँयागु वसः फी मखु।✧

5 वं धाइ, ‘जि अगमवक्ता मखु। जि बुँज्या याइम्ह खः। जिं मचाबलय् निसें बुँइ ज्या यानाः वयाच्वनागु दु।’

6 सुनानं वयात, ‘छंगु म्हय् थ्व घाः* गथे यानाः जूगु?’ धकाः न्यन धाःसा वं थथे लिसः बी, ‘थ्व घाः जिमि पासाया छँय् जूगु खः।’

जवाःतयत् स्याःगु अले फैत छ्यालब्याल जूगु

7 “दक्व शक्ति दुम्ह परमप्रभुं धयादी,

हे तरवार, दनाः जिम्ह फैजवाःयात हमला या,
जिनापं दनाच्वनीम्ह मनूयात हमला या।

वयात स्या, अले फैत उखेलाः थुखेलाः जुइ।

अले जिं थःगु ल्हाः चीधिकःपिं भ्याचातयगु विरोधय् ल्हने।”✧

8 हाकनं परमप्रभुं थथे धयादी,

“थ्व देशयापि मनूतय् स्वब्वय् निब्व स्याइ,
ल्यंदुपि स्वब्वय् छब्व जक उकी च्वनाच्वनी।

9 थ्व हे स्वब्वय् छब्व मनूतयत् जाँचय् यायेत

मिं वहः यचुकीगु थें जिं इमित यचुके।

लुँयात जाँचय् यानागु थें जिं इमित जाँचय् याये,

अबलय् इमिसं जिगु नामं बिन्ति याइ।✧

✧ 13:4 १३:४ २ राज १:८; मत्ती ३:४

* 13:6 १३:६घाः उबलय् गुलिखय् मखुगु अगमवाणी नवाइपि

अगमवक्तातयसं थःपिनिगु प्रार्थना इमि घवं न्यनेमा धकाः थःगु म्हय् घाः याइगु खः, स्वयादिसँ १ राज १:८;२८

✧ 13:7 १३:७ मत्ती २६:३१; मार्क १४:२७

✧ 13:9 १३:९ भज ६६:१७; हितो १७:३; यशै १:२५; ४८:१०;

यर १:७; इज २२:१७-२२; मला ३:३

अले जिं इमित लिसः बी,
 ‘इपिं जि प्रजा खः’ धकाः जिं इमित धाये।
 अले इमिसं धाइ, ‘परमप्रभु जिमि परमेश्वर खः।’ ”

14

परमप्रभु झायाः राज्य यानादी

1 परमप्रभुया छगू दि वयाचवंगु दु। अबलय छिमित लुतय याइ अले लुतय याःगु मालसामान छिमिगु हे न्हःने इनी।

2 जिं फुक्क जातितयत यरूशलेमलिसे लडाइँ यायेत मुके, अले व शहरयात काइ, छें पतिकं लुतय याइ। अले मिस्तयत बलात्कार याइ। शहरयापि बच्छि मनूतयत ज्वनाः विदेशय यंकी। ल्यंदुपि मनूत धाःसा शहरय हे च्वनी।

3 अनंलिपा लडाइँया इलय थें परमप्रभु उपिं जातितलिसें लडाइँ यानादी।

4 उखुन्हु हे वयकः यरूशलेमयागु पुर्बपाखे जैतून डाँडाया दनादी। अबलय जैतून डाँडा पुर्बनिसें पच्छिम तक दथु दथु चिरिबायाः तःधंगु गाः जुइ। बच्छि डाँडा उत्तरपाखे व बच्छि डाँडा दच्छिनपाखे चिलावनी।

5 छिपि जिगु पहाडया गाः जुयाः बिस्वुं वनी छायाधाःसा व गाः आसेल तक थ्यनी। यहदायाम्ह जुजु उज्जियाहया पालय भुखाय ब्वःबलय* मनूत बिस्वुं वं थें छिपि बिस्वुं वनी। अबलय परमप्रभु जिमि परमेश्वर थः पवित्रमहनापं झाइ।

6 उखुन्हु तुयुजः दइ मखु, ख्वाँउसे च्वनी मखु अले पु नं गाइ मखु।

7 थ्व अजू चाइपुगु दि जुइ। चा नं जुइ मखु, न्हि नं जुइ मखु। अले सन्ध्या ई जुइबलय नं तुयुजः दया हे च्वनी। परमप्रभुं जक थ्व फुक्क स्यू।

8 उखुन्हु हे यरूशलेमं जीवन बीगु लः पिहां वइ। उकियागु बच्छि पुर्बय मृत सागर अले बच्छि पच्छिमय भूमध्यसागर पाखे न्ह्याइ। अले तांन्वलाबलय व चिकुलाबलय नं मदिकक न्ह्याना च्वनी।☆

9 उखुन्हु हे परमप्रभु फुक्क पृथ्वीयाम्ह जुजु जुयादी। सकल मनूतयसं वयकःयात परमप्रभु धकाः आराधना याइ अले व हे नामं वयकःयात म्हसीकी।

10 उत्तरय गेबानिसें दच्छिन यरूशलेमय रिम्मोन तक फुक्क जमिन माथं वनी। यरूशलेम शहर धाःसा तःजाः जुयाः बेन्यामीनया ध्वाखांनिसें न्हापांगु ध्वाखाया थाय्

* 14:5 १४:५ भुखाय ब्वःबलय थ्व आमो १:१ पदय धयातःगु भुखाय ब्वःगु जुइफु थ्व लगभग ई.पु. ७५० लय जूगु खः ☆ 14:8 १४:८ इज ४७:१; यहू ७:३८; प्रका २२:१

तक, कुन्चाया धवाखा तक, अले हननेलया धरहरानिसें जुजुयागु दाख तिसीगु थाय् तक थःगु हे थासय् च्वनी।

11 मनूत उकी च्वनी अले उकियात हाकनं गुबलें नाशयागु सराः लाइ मखु। यरूशलेम सुरक्षित जुयाच्वनी।✧

12 यरूशलेमलिसें लडाइँ याइपिं जातितय्थाय् परमप्रभुं छगू ग्यानापुगु ल्वय् हयाबी। इपिं दनाच्चंबलय् हे इमिगु म्हयागु ला ध्वगिनाः वनी। इमिगु मिखा इमिगु मिखा ग्वलय् हे ध्वगिनावनी अले इमिगु मे इमिगु म्हतुइ ध्वगिनावनी।

13 उखुन्हु हे परमप्रभुं इमित भ्वय्भ्वय् कंकादी। इपिं छम्हय्सिनं मेम्हय्सिगु ल्हाः ज्वनी अले छम्हय्सिनं मेम्हय्सित हमला याइ।

14 यरूशलेमयात बचय् यायेत यहदायापिं मनूतय्सं लडाइँ याइ। इमिसं जःखः च्वंपिं फुक्क जातितयगु धन-सम्पत्ति अले यक्व लुँ, वहः व वसः लाका काइ।

15 सलत, खच्चरत, ऊँतत, गधात व शत्रुतयगु छाउनीइ दुपिं फुक्क पशुतयत नं थज्याःगु हे ल्वचं स्याइ।

16 अनं लिपा यरूशलेमय् हमला याःपिं जाति जातितपाखें म्वाःपिं सकलें दक्व शक्ति दुम्ह परमप्रभुयात जुजु भाःपियाः आराधना यायेत व बल्चाबाय्या नखः हनेत दैय्दसं यरूशलेमय् वनी।✧

17 पृथ्वीया जातित मध्ये छुं जाति जुजु दक्व शक्ति दुम्ह परमप्रभुयात आराधना यायेत यरूशलेमय् मवंसा इमिथाय् वा वइ मखु।

18 मिश्रयापिं मनूत च्वय् थाहां मवंसा इमिथाय् वा वइ मखु अले बल्चाबाय्या नखः हनेत च्वय् थाहां मवंपिन्थाय् छवयादीगु विपत्ति हे परमप्रभुं इमिथाय् नं छवयादी।

19 बल्चाबाय्या नखः हनेत यरूशलेमय् मवनीपिं मिश्र व फुक्क जातितयगु निंति थ्व हे सर्जॉय जुइ।

20 उखुन्हु हे सलतयगु गलय् नं “परमप्रभुया निंति पवित्र” धकाः कियातःगु दइ, अले परमप्रभुयागु देगःया थलबल वेदीया न्हःने दुगु पवित्र ख्वलात थें जुइ।✧

21 यरूशलेम व यहदाय् दुगु थलबल दक्व शक्ति दुम्ह परमप्रभुया निंति पवित्र जुइ। थ्व थलबल बां बीपिं मनूतय्सं बांया ला दय्केत छ्यली। उखुन्हुनिसें दक्व

✧ 14:11 १४:११ प्रका २२:३ ✧ 14:16 १४:१६ लेवी २३:३९-४३ ✧ 14:20 १४:२० प्रस २८:३६; ३९:३०

शक्ति दुम्ह परमप्रभुया देगल्य् सुं नं न्यायेमिइ याइपि† दइ मखु।

† **14:21** १४:२१ न्यायेमिइ याइपि न्यायमिइगु वा व्यापार हिब्रू भाषां थ्व खँवः कनानया मनूतय्गु नां थें हे च्वं। गुलिखय् मनूतय्सं थथे बिचाः याइ, देगल्य् दुने सुं नं अन्यजाति वा मूर्ति पुज्याइपि वने दइ मखु।

Newar
Newar: Newar (Bible)

copyright © 2024 Nepal Bible Society and Wycliffe Bible Translators, Inc.

Language: Newar

Contributor: Wycliffe Bible Translators, Inc.

All rights reserved.

2025-05-17

PDF generated using Haiola and XeLaTeX on 16 May 2025 from source files
dated 17 May 2025

838cc630-4ccf-5055-be45-10a98a141cc7